

**Una pillugu siunnersuut: ilisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunaanni Namminersorlutik Oqartussat oqaaseqaataat pillugu Inatsisartut aalajangiinissaat**

(Ineqarnermut, Sanaartornermut Attaveqaqatigiinnermullu Naalakkersuisoq)

**Saqqummiussissut**

(Ineqarnermut, Sanaartornermut Attaveqaqatigiinnermullu Naalakkersuisoq)

**Siullermeerneqarnera**

Ilisimasortat pillugit inatsisip ilaata Kalaallit Nunaannut atortuulersinneqarnissaanik kunngip peqqussutaa pillugu Kalaallit Nunaanni Namminersorlutik Oqartussat oqaaseqaataat pillugu Inatsisartut aalajangiinissaannik siunnersuut (immikkoortoq 75) immikkoortunut 74-mut aamma 76-mut ataneqartillugu isigineqassaaq. Taamaalilluni aalajangiiffigisassatut siunnersuut taanna inatsisissatut ataatsimut siunnersuutit ilagaat, issittup imartaani imarsiornerni isumannaallisaneq pillugu malittarisassat sukateqarneqarnissaannik siunertaqartoq.

Inatsisip allannguutissaatut siunnersuuttip manna nassataraa, tassalu Kalaallit Nunaanni inatsisikkut aalajangersagaasumik ilisimasortaqaartussaataitaanermi ilisimasortat tassaassatut ilisimasortatut akuerisaasut. Inatsisip allangortinneqarnerata kingornatigut “ilisimasortat”, angalanernut ilisimasortaqaarnissamut aaqqissuussani pineqartunut ilaanngitsuni, Kalaallit Nunaata imartaani ingerlaarnermut atatillugu siunnersuisutut suli atorneqarsinnaassapput. Taamaattorli ingerlaarfinni ilisimasortaqaartussaataitaaffiusuni ilisimasortat akuerisaasut atorneqarnissaat piunasaqaataassaaq.

Ilisimasortaqaartitsinerit aallaqqaammut “DanPilot”-imit naalagaaffiup pigisaanit pilersuisussaataitaanermik pisussaaffilerneqartumit ataqatigiissaarneqassapput. Taamaattoq tamanna isumaqanngilaq taanna kisermaassisussaataitalersoq, kisianni aamma ilisimasortaqaarneq ilisimasortaqaartitsivinnit allanit, ilanngullugit ilisimasortat Kalaallit Nunaanneersut ingerlanneqarsinnaassallutik. Inatsisip allangortinneqarneratigut Kalaallit Nunaanni ilisimasortaqaartitsisarneq pillugu kapitali immikkut ittoq ilisimasortat pillugit inatsimmi aamma ilanngunneqarsimavoq, tassami pisinnaasat il.il. pillugit piunasaqaatit ilisimasortat pillugit inatsimmi aalajangersarneqarsimammata. Aalajangersakkanik taaneqartunik unioqqutitsineq Kalaallit Nunaanni pinerluttulerineq pillugu inatsit tunngavigalugu pineqaatissiissutigineqarsinnaavoq.

Ilisimasortaqaartussaataaneq aamma Kalaallit Nunaanni ilisimasortaqaartitsisarnermik aaqqissuussineq pillugit maleruagassat sularineqarsinnaanissaannut ilisimasortat pillugit inatsisip ilaa Kalaallit Nunaannut atortuulersinneqartariaqarpoq.

Siunnersuut taamatut oqaaseqaateqarlunga Inatsisartuni akuersaartunik oqaluuserisassanngortippara.